

## SCRIPT OF MORNING GOJRI NEWS BULLETIN 4OCT 1015 HRS

ما رنینگ گو جری نیو ز بلیٹن مو رخہ 4 اکتوبر 2025

\*\*\*\*\*

یوہ آکا شوانی جموں بے محبوب سلطانہ تیں خبر سُنو۔

\*\*\*\*\*

### CM WEATHER ADVISORY

وزیر اعلیٰ عمر عبداللہ نے پچھلے تہاڑے سول سیکرٹریٹ سرینگرمانہ اک اعلیٰ سطحی میٹنگ کی صدارت کی جس گو مقصد محکمہ موسمیات غی طرفوں جاری موسم کی ایڈوائزری گے چلتیں بکھ بکھ محکماں کی تیاریاں گو جائیزو لینو تھو واضع رہ جے محکمہ موسمیات نے اج توں جموں کشمیر بارے جانکاری دیتا مانہ دسیو تھو جے اک مضبوط مغربی ہوا جموں کشمیر نانہ متاثر کرسکت جس گا نتیجہ مانہ بارش تے گجھ علاقان مانہ برف باری بوسکے اس ضمن مانہ وزیر اعلیٰ نے تمام متعلقہ محکماں ور زور پاتا مانہ کیو جے وے اپنی پوری تیاری رکھیں تانجے پھلاں کی فصل نانہ ممکنہ نقصان توں بچایو جاسکے۔ اس تیں علاوہ ضروری اشیاء کی بنا رُکاوٹ فراہمی تے تمام بڑی شاہراں تے سڑکاں نانہ وی کھولو رکھن ناہ یقینی بنان بارے وی کیو بے۔ وزیر اعلیٰ نے کہیو جے حکومت کی اولین ترجیح بے جے کسے وی صورتحال گا سامنا واسطے تیار ویں تے ویلے سر رد عمل نانہ یقینی بنانو بے۔

\*\*\*\*\*

### JK BANK CM RELIEF FUND

جموں کزمیر بینک نے پچھلے تہاڑے وزیر اعلیٰ ریلیف فنڈ مانہ 4 کروڑ 10 لکھ روپیا دیتا ہیں تانجے جموں کشمیر مانہ حالیہ سیلاب توں متاثریوں آلا لوکاں واسطے چلایو جاریو امداد تے بحالی گا کماں مانہ مالی مدد بوسکے اس ضمن مانہ جموں کشمیر بینک گا مینیجنگ ڈائریکٹر تے اعلیٰ ایگزیکوٹیو افسر امیتا چٹرجی نے سول سیکرٹریٹ سرینگرمانہ 4 کروڑ 10 لکھ روپیا گو چیک وزیر اعلیٰ عمر عبداللہ نانہ سونپیو بے وزیر اعلیٰ نے جموں کشمیر بینک کی اس اہم شراکت نانہ سراپیو تے بینک کی انتظامیہ تے ملازم گو شکریو ادا کیو اُنہاں نے کہیو جے اداراں کی یہ یکجہتی مشکل ویلے مانہ لوکاں سنگ کھلا ہون کی اجتماعی عزم کی عکاسی کر رہی بے۔

\*\*\*\*\*

### SATISH ESSENTIAL SUPPLIES

ضروری اشیاء کی بلا رُکاوٹ رسائی نانہ یقینی بنان واسطے اک قدم گا طور ور کوارک سول سپلائی تے صارفین امور گا وزیر ستیش شرما نے پچھلے تہاڑے پورا جموں کشمیر مانہ ایل پی جی سلینڈر پٹرول ڈیزل کی سپلائی نانہ بہتر بنان غی ہدایت دتی بے اُنہاں نے یہ ہدایت خوراک سول سپلائی تے صارفین امور لیگل میٹرال جی گا افسراں تے تیل بیچن آلی کمپنیاں گا

نمائنداس سنگ میٹنگ غے دوران دتی اس تیں علاوہ اُنہاں نے ضروری اشیاء گا ذخائیرگی صورتحال گو جائیزو وی لیو وزیر موصوف نے حالیہ موسمی ایڈوازی ناہ دیکھتا مانہ آن آلی رکاوٹاں توں بچن واسطے روزانہ نگرانہ گے نال سپلائی تے تقسیم گا نظام نانہ مضبوط بنان گی ہدایت وی دتی ہے۔

\*\*\*\*\*

#### JK GOVT GST REFORM

جموں کشمیر حکومت نے نوی نسل گا جی ایس ٹی بلاو 2025 عشاریہ صفر نانہ عملان گی شروعات 22 ستمبر 2025 توں قومی سطح ور ٹیکس نانہ سادو تے عوام دوست بنان گی مہم مطابق کی ہے تے یوہ قدم صارفین گی فلاح تے بہبود واسطے حکومت گا عزم نانہ مضبوط بنا رہیو ہے حکومت نے تمام اہم محکماں جن مانہ سٹیٹ ٹیمز لیگل میٹرالجی صحت تے طبی تعلیم تے صنعت تجارت شامل ہے مانہ معایری طریقہ کاراپنانو ہے اس ضمن مانہ ضلع تے صوبائی سطح گی نفاذ آلی ٹیم مارکیٹ گی سخت نگرانی کرن گے نال نال قیمتاں مانہ درست ترمیم گی جانچ کرے گی تے ہر ضلع مانہ قائم جی ایس ٹی سہولت مرکز گے ذریعے براہ راست لوکاں غی مدد فراہم کرے گی۔

\*\*\*\*\*

#### GST REFORMS LEATHER

نوی نسل گا جی ایس ٹی بلاو غے تحت حکومت نے چمڑہ ت جوتاں ور ٹیکس گی شرح 12 فی صد توں کھٹ کرے 5 فی صد کردتی ہے جی ایس ٹی 2 عشاریہ صفر غے تحت ہوں 2500 روپیہ گو بوٹا گا جوڑا ور 5 فی صد جی ایس ٹی عائد وے گی جس گو سیدو فائدو نوجوان صارفین ناہ پجے گو اس تیں علاوہ بکھ بکھ چمڑاں گی چیزاں ور ٹیکس کھٹ کردتو گیو ہے واضع رہ جے پہلاں چمڑہ گی چیزاں ور 12 فی صد جی ایس ٹی لگے تھو جھڑو 5 فی صد کردتو گیو ہے جس سنگ صارفین نانہ سستی چیز حاصل کرن مانہ مدد ملے گی۔

\*\*\*\*\*

#### JKPSC EXAM RESTRICTION

جموں کشمیر پبلک سروس کمیشن جے کے پی ایس سی گی طرفوں 7 تے 8 اکتوبر 2025 نانہ اسٹینٹ پروفیسر گی پھتری واسطے منعقد ہوں آلا امتحان گے چلتیں ضلع مجسٹریٹ جموں ڈاکٹر راکیش منہاس نے جموں ضلع مانہ امتحانی مرکز اں کولا پابندی لان گو حکم دتو ہے اس ضمن مانہ کسے وی امتحانی مرکز گا 100 میٹر گا دائرہ مانہ 5 یا اُس توں متا افراد گا اکٹھا ہونور پابندی لائی گئی ہے جد کہ 7 تے 8 اکتوبر ناہ سویرے 8 توں شام 6 بجے توڑی اہلکاراں توں علاوہ داخلہ ور روک لادتی گئی ہے تے اس ضمن مانہ اگر کوئی وی اس حکم گی خلاف ورزی کرتو پایو گیو اُس نانہ بخشیو نی جے غو۔

\*\*\*\*\*

#### ARMY CHIEF PAK

بھارتی فوج کا سربراہ جنرل اوپیندر دیودی نے پاکستان نانہہ خبر دار کیو ہے جے بھارت اس سال کی اگیا آپریشن سندور گے دوران برتی گی نرمی نانہہ برقرار نہیں رکھن لگو تے اگر سرحد پار توں دہشت گردی جاری رہی تاں اس گو جواب کہیں گناہ متو تباہ کن انداز مانہہ دتو جے غوراجس تھان گا ضلع شری گنگا نگر گا گراں گڈ سانا مانہہ جواناں سنگ خاٹب کرتا مانہہ جنرل دیودی نے کہیو جے اگر پاکستان نے کوئی نوی جار حیت اپنائی تے اُس نانہہ اس گل گو فیصلو کرنو پے گو جے وی جغرافیہ نکشاں ور رہنو چاویں جے تاریخ گو حصو بننو چاوے۔

\*\*\*\*\*

#### SMVD YATRA SUSPENSION

بھارتی محکمہ موسمیات کی طرفوں جاری حا لیہ موسمی ایڈوازی گے چلتیں شری ماتا ویشنو دیوی یا ترہ 15 اکتوبر تیں 7 اکتوبر توڑی معطل رہے گی جد کہ 18 اکتوبر 2025 توں فر جاری رہے گی یوہ فیصلو عقیدت منداں غی حفاظت تے بہتری نانہہ دیکھتا مانہہ لیو گیو ہے اس ضمن مانہہ عقیدت منداں نانہہ صلاح دتی جے شری ماتا ویشنو دیوی شرائین بورڈ کی طرفوں تازہ جانکاری اس غی ویب سائیٹ توں حاصل کرتا رہیں۔

\*\*\*\*\*